



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08) izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU SOCIJALDEMOKRATSKE UNIJE 2002 BOSNE I HERCEGOVINE

Broj: 03-07-6-1569/09  
Sarajevo, 30.04. 2010. godine

## ***SADRŽAJ***

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI .....	5
5.2. PREPORUKE .....	6

## MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja **Socijaldemokratske unije 2002 Bosne i Hercegovine** za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

### **1. Stranka nije ispoštovala odredbe člana 11. stav (1) Zakona o finansiranju političkih stranaka.**

**Pregledom, odnosno kontrolom finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Socijaldemokratske unije 2002 Bosne i Hercegovine za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Socijaldemokratska unija 2002 Bosne i Hercegovine je iskazala prihode u iznosu od 30.000,00 KM<sup>1</sup>, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	6.630,00	22,10%
2	Prilozi fizičkih lica	9.150,00	30,50%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	14.220,00	47,40%
8	<b>Ukupni prihodi:</b>	<b>30.000,00</b>	<b>100,00%</b>

U godišnjem finansijskom izvještaju Socijaldemokratska unija 2002 Bosne i Hercegovine je iskazala ukupne rashode u iznosu od 26.208,00 KM<sup>2</sup>.

## 2. PREDSTAVLJANJE POLITIČKE STRANKE

Naziv političke stranke: Socijaldemokratska unija 2002 Bosne i Hercegovine. Skraćeni naziv stranke je SDU 2002 BiH.

Socijaldemokratska unija 2002 Bosne i Hercegovine je registrovana 09.04.2008. godine, kod Općinskog Suda u Tuzli pod brojem 032-0-Reg-08-000456.

Sjedište političke stranke je u Kalesiji, Donji Rainci bb.

<sup>1</sup> Podaci koji iskazani u tabeli preuzeti su iz korigovanog godišnjeg finansijskog izvještaja SDU 2002 BiH, koji su Centralnoj izbornoj komisiji BiH dostavljeni 22.04.2010. godine.

<sup>2</sup> Podaci koji iskazani u tabeli preuzeti su iz korigovanog godišnjeg finansijskog izvještaja SDU 2002 BiH, koji su Centralnoj izbornoj komisiji BiH dostavljeni 22.04.2010. godine.

Za zastupanje stranke ovlaštena je Melisa Suljkanović, predsjednik i Abdulah Suljkanović, osoba ovlaštena za podnošenje finansijskih izvještaja za 2008. godinu.

U godišnjem finansijskom izvještaju Socijaldemokratske unije 2002 Bosne i Hercegovine za 2008. godinu je navedeno da politička stranka nema organizacionih dijelova nižeg nivoa.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Socijaldemokratske unije 2002 Bosne i Hercegovine za 2008. godinu i finansijski izvještaj za period od dana podnošenja prijave za ovjeru za izbore do dana objere rezultata lokalnih izbora održanih u oktobru 2008. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je Socijaldemokratska unija 2002 Bosne i Hercegovine u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Socijaldemokratske unije 2002 Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na članarine, priloge fizičkih lica i troškove predizborne kampanje.

### **4. PRETHODNE KONTROLE I REVIZIJE**

Kontrola finansijskih izvještaja Socijaldemokratske unije 2002 Bosne i Hercegovine obavlja se prvi put.

### **5. NALAZI I PREPORUKE**

#### **5.1. NALAZI**

**Pregledom godišnjeg finansijskog izvještaja utvrđeno je da je Socijaldemokratska unija 2002 Bosne i Hercegovine prekršila odredbe člana 11. stav (1) Zakona o finansiranju političkih stranaka.**

Stranka u kontrolisanom periodu nije vodila adekvatne evidencije o svojim prihodima i rashodima i na taj način postupila je suprotno odredbama člana 11. stav (1) Zakona o finansiranju političkih stranaka.<sup>3</sup>

#### **Troškovi predizborne kampanje**

Socijaldemokratska unija 2002 Bosne i Hercegovine je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 4.782,66 KM.

---

<sup>3</sup> Političke stranke vode evidenciju o svojim prihodima i rashodima. Politička stranka je dužna da Centralnoj izbornoj komisiji BiH podnese finansijski izvještaj za svaku kalendarsku (računovodstvenu) godinu.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>4</sup> po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Socijaldemokratska unija 2002 Bosne i Hercegovine je u svrhu izborne kampanje za Lokalne izbore 2008. godine mogla potrošiti 183.371,40 KM.

## 5.2. PREPORUKE

*Preporučuje se Socijaldemokratskoj uniji 2002 Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

➤ *Da postupa u skladu sa odredbama člana člana 11. stav (1) i to:*

- *da vodi evidencije o svojim prihodima i rashodima*

## KOMENTAR

U ostavljenom roku SDU 2002 BiH se očitovala na dopunjeni Preliminarni izvještaj o pregledu godišnjeg finansijskog izvještaja za 2008. godinu. U svom očitovanju stranka je navela da joj nije bila poznata činjenica da je na ime stranke bio otvoren transakcioni račun broj: 338690223312325 otvoren kod UniCredit banke d.d. u Sarajevu, te da je isti neovlašteno otvoren. Stranka je, takođe, navela da je na neprijavljenom računu bilo uplata iz budžeta i priloga fizičkih lica koji nisu bili poznati stranci. Ovlaštena osoba stranke je na traženje Centralne izborne komisije BiH donijela na uvid izvode sa pomenutog transakcijskog računa. Obzirom da stranka nije u svojim poslovnim knjigama evidentirala promet ostvaren putem ovog transakcionog računa, kao ni prihode i rashode, nalaz revizije u pogledu člana 11. stav (1) Zakona o finansiranju političkih stranaka je ostao nepromijenjen.

Socijaldemokratska unija 2002 Bosne i Hercegovine je uz očitovanje dostavila i dopunjeni godišnji finansijski izvještaj za 2008. godinu čime je postupila u skladu sa odredbama člana 11. stav (3) Zakona o finansiranju političkih stranaka, što je Služba za reviziju uvažila i ugradila u Izvještaj o pregledu godišnjeg finansijskog izvještaja za 2008. godinu.

Mr. Hasida Gušić, šef Službe za reviziju - revizor

Nevenko Andan, revizor

Anela Burdžović- Kapić, pomoćnik revizora

---

<sup>4</sup> Član 15.10 stav (2) istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.